

ւում, արուեստի եւ մտածումի լոյսերի մէջ կնքուում եւ ճամբայ ընկնում դէպի նոր արկածախնդրութիւններ:

Ի զուր չէ, որ դարաւոր թափառումներից յետոյ, այլափոխուած, չարչարուած, հեռաւոր դաշտերը մեր արիւնով կերակրելուց յետոյ, ահաւասիկ նորից վերադարձել ենք մայր հողի վրայ եւ ճակատագրական պայքար ենք մղում նոր մի էութեան համար:

Եւ ինչպի՛սի ժամանակ:

Դարը փչրել է իր դեկը: Արեւմուտքը յանել է իր անհանգիստ աչքերը դէպի Արեւելք: Հիմքերը շարժուել են ու մեծ փլչումը սկսուել է: Այն, ինչ որ անուանում էինք քաղաքակրթութիւն, մարդկութեան անյաղթելի բերդ, այսօր՝ պարասպ հոգիների առջեւ, ներկայանում է թղթէ տնակի նման:

Ամստերդամը նորանոր քաղաքամասերի մէջ կուտակում է իր աղբիւսները առանց ոճի, Կօրբիւզիէն վերաշինում է մեր խրճիթները Փրանսական անհարազատ հողի վրայ, Ամերիկան, իր կատաղած կեանքի անիւր տասնեակ յարկերի վրայ է ցցում ու պարապութեան մէջ ջղայնացած բազուկները շարժում:

Իսկ մենք վերադարձել ենք մերկ դաշտը, ուր Հոփսիմէի եկեղեցին միշտ կանգուն է:

Այստեղ բոլոր ալիքները կանգ են առել, ծովը համը է եւ փոթորիկը հեռաւոր:

Եկել ենք որբացած եւ ոտարոպիկ: Չկայ ուրիշ ժողովուրդ մեզանից աւելի չքաւոր եւ աւելի դժբախտ:

Բայց չկայ վայր աւելի լուսաւոր, աւելի ամբողջական եւ ոգեղինացած, քան այս դաշտը:

Այստեղ է նոր կեանքի բանալին:

Եւ այստեղ է մեր նոր առաքելութիւնը:

(Շարունակելի)

ՔԱՌԵԱԿՆԵՐ

I

Իմ շուրթերը նրկան են, երկու շափար նրկան են՝

Ձեզաւ մէկ օր ինձ լըսեն, այլոց շուրթին դէմ չառնեն:

Իմ աչքերը որսկան են, երկու կայտառ որսկան են՝

Ձեզաւ մէկ օր ինձ լըսեն, այլոց հոգին խիստ չառնեն:

II

Մարդն աշխարհի նոյշ անօթն է, մայր բընութեան գուրգուրանքն է —

Նըրան ձեռ տալ կամ կտորելը՝ ամենամեծ յանցանքն է:

Միրտը մարմնի լուսոյ ջահն է, ծով-ծով սիրոյ սուրբ վանքն է —

Միրտը կտորել, մութ թողնելը՝ ամենամեծ յանցանքն է:

III

Այն գաւաթը, որի սըրտի ջուրն ես խըմում ամէն օր,

Կանթից բըռնած՝ պապակ սըրտիդ հուրն ես մարում ամէն օր՝

Մի շուտ անցած, մի սէր չարած պատանի՛ է վաղամոռ,

Որ իր թեւը թեւիդ գըցած՝ շուրթըդ է ծըծում մեղրածոր:

IV

Շունչը պահած նոյշ աչիկ է այս ծաղիկը շուշանի,

Որին սիրած իր պատանին պատուիրել է սո՛ւս անի,

Թագչի այգում, անշարժ նըստի, իրա գալուն ըսպասի,

Ճերմակ քոզը դէմքին քաշի, իրա գալուն ըսպասի:

ՀԱՅՄԱՆ